

Luna & Lio, 4j.



suchet zäme es nöiies Daheime mit Freigang

Liebi Tierfründe

Lueget einisch, sy mir mir nid zwöi ganz zwöi Härzigi? Mi sy d'Luna u dr Lio, Gschwüschterti u zäme uf dr Suechi nach eme nöiie Daheime. Warum? Üsi Familie trännt sech u cha üs nüm bhaute. Sie müent zügler u mir hätte denn chei Freigang meh. U Freigang wönnt mir unbedingt wiedr ha. Drum!

Mir sy 4jährig, kaschtriert, abr nid gimpft (das sött mer schon lah mache, wiu mir nach dusse geng), dr Leukosetescht wird abr grad no gmacht. Mir sy gsung, schtuberein u sähr mönschebezoge u aahänglech. Mir liebe üs sähr u wönnt nid trännt wärde. U mir liebe üse Mönsche. Abr mir sy, bsunders am Aafang, no sähr ängschtlech u schröckhaft. Mir hei aus Chliini nid so gueti Erfahrig mit Mönsche gmacht. Abr mir sy ou nöigiirig. We mir Di ha dörfe chennelehre, den toue mir ou uf u vertraue Dir. U denn darf Du üs ou schtriichele. Bsundrs dr Lio, der mag das sähr. Schpiue münnt mir noh lehre, da sy mir no es bitzeli zaghaft ungerwägs, mir chenne das nid so vo früchener. Abr we Du Geduud ufbringsch u üs zeigsch, wie das geit, denn mache mir ou mit. Mir chenne u wönnt ou wiedr Freigang ir verkehrsarmi Umgäbig (natürlech nach Iigwöhnigsziit), gärn ländlech. Feuder u Wiese, da isches üs am Wouschte, nid so nur änglesche Rase, das isch üs zwänig Natur.

Mir sueche zäme chatzeerfahreni, ruhigi Mönsche mit Geduud u Verschtändnis, die wo zu üs luege u bi dene mir d'Nummr eis dörfte sy. Ohne Ching u angeri Huustier. Bisch Du pensioniert odr sunscht oft dihei, villiicht im Homeoffice oder Teilziitler? Wohnsch Du ir verkehrsarmi ländlechi Umgäbig u hesch Du villiicht en Garte? U es Törli nach dusse? Mega, denn chönnt das üses nöiie Daheime sy, denn müesset mir üs unbedingt lehre chenne. Mir wohnet im Moment no z'Wetzikon/ZH, zügler aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Bsuechsch Du üs üs einisch zum (vorsichtige) Beschnuppere?

Dini Luna & Lio



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch